

lis Gnovis

■ TUMIEÇ. Pôris ancestrâls



E je dedicade a la gnove «Cryptoart», la esposizion imbastide fintremai ai 17 di Fevrâr li di palaç «Frisacco» a Tumieç, par cure dal Comun. La mostre «Fight fear. Paure ancestrali ed emergenti

in catartiche visioni pop» e smire di «sublimâ il passaç dal plan fisic in chel digjital de Cryptoart», mediant des oparis di «Hackatao», di «Hexox6C», di Federico Petrei e di Roberto Ranon. I curadôrs, che si firmin «Hackatao», a son i doi artiscj Sergio Scalet di Transacqua e Nadia Squarci di Paluce, om e femine, che a vivin cu lis sôs dôs frutis a Doltris di Dimpeç, dulà che a àn implantât il so «atelier». Si pues visitâ la mostre ducj i dis de setemane, gjavât martars (10.30-12.30 / 15-17.30; domenie, 14-18).

■ UDIN. Atualitât, dirits dal om e informazion

E tire a di lunc fintremai ai 21 di Fevrâr la rassegna cui documentaris di «Internazionale», «Mondovisioni» (<http://visionario.movie/mondovisioni-2019/>). Li dal cine «Visionario» di Udin, a saran proietâts 6 cines su atualitât, dirits dal om e informazion, che a tocjin acjadiments sucedûts in Sirie, Olande, Norvegie, Spagne, Venezuela, Stâts Unîts e Republiche democratiche dal Congo. Lis seradis che a mancin a colaran ai 31 di Zenâr («Recruiting for Jihad»), ai 7 («El pais roto»), ai 14 («Alt-right: age of rage») e ai 21 di Fevrâr («Kinshasa Makambo»). La rassegna e je inmanead dal «Centri espressions cinematografichis», cul jutori di «Coop Alleanza 3.0».

■ SAN ZORÇ DI NOIÂR. Bibliotechis de Basse

A son 28 lis Bibliotechis de Basse che a jentrin tal sisteme interbibliotecari «InBiblio». Il catalic, che al proferis un patrimoni di passe 405 mil fra publicacions e materiâi multimediâi, al è disponibil su la rêta des rêts, a la direzion www.inbiblio.it. Il servizi si slargje par cjapâ dentri 27 Comuns e 100 mil animis. La direzion dal sisteme e je logade li di Vile Dora di San Zorç, che sul spirâ di an passât e à screât un lûc internet di pueste – www.villadorasgn.it – dulà che si pues lei dutis lis gnovis inmaneadis de Biblioteche.

■ TUMIEÇ. Confront cu la «manager»



I students dal Istitût tecnic economic di Tumieç e chei des Cuintis dal Liceu scientific, ai 28 di Zenâr, si son confrontâts cun Anna Spinelli, «Chief Procurement & Real Estate Officer» di «Tim». La

Spinelli, che e je diventade colaboradore dal amministrazîr delegât di «Tim» an passât, dopo di une carriere professionâl ator pal mont in «Fiat», «General Motors», «Bmw» e «Philips», e je di Udin e si è indotorade li de Universitât furlane in Inzegnarie. Cui students liceâi dal «Istitût Paschini-Linussio», e à resonât su lis motivazions necessariis par frontâ il mont dal lavôr dal di di vuê. Cun chei des «Relazions internazionâls pal marketing» e dai «Sistemis informatifs aziendâi», e à profundît cuistions economicis e tecnicis maduridis intant de sò esperience come «manager» di grancj grops internazionâi.

| | | | |
|-----------|-------------------------|-----------|--------------------|
| Joibe 31 | S. Zuan Bosco predi | Lunis 4 | S. Josef |
| Vinars 1 | S. Ors di Aoste | Martars 5 | S. Aghite vergjine |
| Sabide 2 | Presentazion dal Signôr | Miercus 6 | S. Pauli Miki e C. |
| Domenie 3 | S. Blâs Vescul | Il timp | Anjemò nêf. |



Il soreli
Ai 30 al iève aes 7.32
e al va a mont aes 17.09.



La lune
Ai 4 Lune gnove.

Il proverbi
Daûr vint,
ducj a san navigâ.

Lis voris dal mê
Tal ort vierzêt e coltalt lis sparginis.

Une rêta biele e sigure

Ai 5 di Fevrâr, e torne la Zornade pal ûs sigûr di Internet

Ogni frute e ogni frut a àn il so compit e la sò part speciâl di fâ par che la rêta des rêts e sedi un puest biel e sigûr. Par marcâ chest principi e par proponiur a la zoventût un impegn positif e responsabil, martars ai 5 di Fevrâr, al torne in Italie il «Safer Internet Day», la zornade pal ûs sigûr di Internet. L'apontament al à une dimension internazionâl (cun 100 Pais ingaiâts, ator pal mont) e al è prudelat de Commissione europeane, che lu puarte indevant te suaze dal program «Connecting Europe Facility». In Italie, la organizazion e je curade dal Ministeri pe Istruzion publice, pe Universitât e pe Ricercje, «Miur», cul jutori de Polizie statâl e postâl, dal Garant par frutarie e zoventût, des Universitâts di Florence e di Rome «La Sapienza», di «Save the Children», e po di «Il Telefono Azzurro», «Cooperativa E. D. I.» e «Skuela.net», che a àn sielzût par titul de edizion dal 2019 «Oportunitât e Pericui da la Rêta».

Doi lûcs internet – www.saferinternet.it e www.generazioniconnesse.it – a popularizin lis cuistions che si smire di pandi e di profondi, chest an, e lis iniziativis inmaneadis, tant a nivel statâl che da par dut ator pe Italie, massime par volontât di Scueltis, Scueltis elementârs e Scueltis superiôrs. L'apontament statâl pal 2019 al è stât programât a Milan, dulà che a son invidâts students di ogni etât e par-tevôs di aziendis di tecnologie de informazion e de comunicazion («Itc») e di telefonie mobil, cun dutis lis clapis e lis istituzions congregadis tal «Advisory Board» dal program educatif «Generazioni Connesse». Il cruzi primarûl dal mont dai grancj, sul cont des tecnologiis gnovis, al



Il titul de Zornade di chest an al è: «Oportunitât e Pericui da la Rêta»

Di chêt strade dal «Safer Internet Day», si resone di «cyberbuleç» tes scueltis e si spiete il «tweet» di Pape Francesc

somee che al resti anjemò chel de sigurece. Salacor par chel, pal «Safer Internet Day», i organizadôrs dal «Miur» a bramìn che dutis lis scueltis di ogni ordin e di ogni grât a rivin adore di proponiur ai students e a lis fameis al mancul une ativitât di formazion e di informazion cuntri dal bulisim e dal cyberbuleç a scuele, in mût che si sviluppi anjemò di plui la iniziative «Il Nodo Blu - Le scuole unite contro il bullismo», screade doi agns indaûr.

E si spere che lis propuestis e lis iniziativis si slargjin tocjant ducj i dis de setemane dai 4 ai 10 di Fevrâr. Cun di plui, pai 6 di Fevrâr, si spiete ancje il «tweet» di Pape Francesc, che a son doi agns che al compagne cuntun mes la Zornade mondiâl pal «web sigûr». An passât, il vescul di Rome al veve racomandât: «O sin ducj clamâts a impegnâsi par protezi i piçui tal mont digjital».

Mario Zili

Emozions furlanis in viaç

Al è rivât tes scueltis il regolament «Emozions furlanis in viaç pal teritori». Il premi, di 8 agns incà, al compagne la Fieste dai 3 di Avrîl, par valorizâ il patrimoni storic, artistic, culturâl e naturâl de region. Uffici scolastic regionâl e «ARLeF» ur domandin a lis scueltis des provinciis di Gurize, di Pordenon e di Udin di concori cun projets didatics, prodots multimediâi, tescj e poesis par furlan prontâts tai ultins 3 agns. Lis voris a varan di rivâ li dal Uffici scolastic teritoriâl di Udin (parfurlan@gmail.com), dentri dai 16 di Març.

Messe par furlan

A Udin, la Messe par furlan e ven cjantade sabide ai 2 di Fevrâr, a 18, li de capele de Puritât, daprûf dal domo (cun Radio Spazio che le trasmet sul moment). E compagnarà la celebrazion la corâl di Susans di Majan. Al cjantarà messe pre Toni Cappellari.

Peraulis in dismentie par cure di Mario Martinis

❖ BRUCJE

s.f. = brocca; piccolo chiodo
(dal latino *brōcca*, da *brōccus* "sporgente" da cui deriva il significato "oggetto appuntito")
Gno nevôt mi à puartât lis brucjis par fâi il zogatul.
Mio nipote mi ha portato i piccoli chiodi per fargli il giocattolo.

❖ BRUSCJETE

s.f. = fuscello, pagliuzza
(derivato da *brusc* 'fuscello, stecco minuto e secco' con suffisso -ète, a sua volta dal latino tardo *brūscus*, derivato probabilmente dal latino *rūscus* 'pungitopo' e dal celtico **brucus* 'erica')
Dilunc il troi de tavie a cressin bruscjete verdus lusintis.
Lungo il sentiero della campagna crescono fuscelli verde lucente.

❖ BUDIÈSE

s.m. = cimice
(continua verosimilmente il latino *pūtīdus* "putrido; puzzolente")
Dino, bute fûr chêt budiese de cusine!
Dino butta fuori quella cimice dalla cucina!

❖ BRUMÂL

s.m. e agg. = inverno; invernale
(dall'aggettivo latino *brumâlis* "giornata più corta dell'anno", da *brūma*, forma contratta del superlativo **brēvima*)
Al è passât il brumâl ancje chest an.
È trascorso l'inverno anche quest'anno.

❖ BUGADE

s.f. = folata, refole di vento
(deverbale di *bugâ*, ma inteso in senso traslato, è legato alla parola *būf* "buffo, soffio", proviene forse dalla voce imitativa *buff*)
Cun chestis bugadis di aiar mi tocje meti il façolet.
Con queste folate di vento devo mettere il fazzoletto.

❖ BUGNIGUL

s.m. = ombelico
(dal latino *umbilicus* con suffisso -ul; parola diffusa nel veneto)
Il canocjâl al va pontât juste tal bugnigul de lune.
Il canocchiale va puntato proprio nell'ombelico della luna.